

**JAVNA USTANOVA DOM ZDRAVLJA
KANTONA SARAJEVO
UPRAVNI ODBOR**

Broj:

Datum:

Na osnovu člana 32., i 34., Statuta Javne Ustanove Dom zdravlja Kantona Sarajevo i člana 34. Poslovnika o radu Upravnog odbora Javne Ustanove Dom zdravlja Kantona Sarajevo sastavlja se sljedeći:

ZAPISNIK

sa treće redovne sjednice Upravnog odbora Javne Ustanove Dom zdravlja Kantona Sarajevo održane dana 02.10.2019. godine u prostorijama Uprave Ustanove u ul. Vrazova 11, sa početkom u 15.00 sati:

Sjednici su prisustvovali:

- Alen Pilav, zamjenik predsjednika
- Branislav Kotjelnikov, član
- Lejla Begović, član
- Remzija Šetić, član

Odsutan:

- Abel Baltić, predsjednik

Ostali prisutni:

Prof.dr Mehmed Kulić, v.d. generalni direktor
Zlatko Viteškić, dipl.polit., sekretar Upravnog odbora

Zamjenik predsjednika Upravnog odbora je rekao da je predsjednik odsutan iz ličnih razloga, te da je svoj izostanak uredno najavio, nakon toga konstatuje da je prisutan dovoljan broj članova Upravnog odbora, te da isti ima kapacitet za punopravno odlučivanje.

Obzirom da su se stekli uslovi za punopravno odlučivanje Upravnog odbora Javne Ustanove Dom zdravlja Kantona Sarajevo zamjenik predsjednika Upravnog odbora je pozdravio prisutne i pročitao predloženi dnevni red:

DNEVNI RED

1. Usvajanje Zapisnika sa druge redovne sjednice Upravnog odbora JU Dom zdravlja Kantona Sarajevo održane 02.10.2019 godine.
2. Usvajanje Izmjena i dopuna finansijskog plana za 2019 godinu.

(Izvjestilac: Adnan Šehić, Šef Ekonomsko finansijske službe)

3. Usvajanje Izvještaja o finansijskom poslovanju JU Dom zdravlja Kantona Sarajevo za period januar – juni 2019 godine

(Izvjestilac: Adnan Šehić, Šef Ekonomsko finansijske službe)

4. Razmatranje stanja u stomatološkoj službi primarnog i specijalističko – konsultativnog nivoa.

(Izvjestilac: prim.dr Bassam Koudeimati, Koordinator stomatoloških službi)

5. Razmatranje stanja informatizacije u JU Dom zdravlja Kantona Sarajevo

(Izvjestilac: Saša Srećković, Odgoorno lice odjela za informatički djelatnost)

6. Izjašnjenje na Prigovor u vezi sa provođenjem konkursne procedure po javnom oglasu objavljenom 01.07.2019 godine (Sanela Lihovac, Arman Ismo, Sabina Mahmutović, Ajdin Šišić, Melisa Smajić, Haris Selimbegović, Elma Škaljić)

(Izvjestilac: Zlatko Viteškić, sekretar Upravnog odbora)

7. Izjašnjenje na Prigovor uposlenice Berine Hadžiabdić

(Izvjestilac: prof.dr Mehmed Kulić, V.D. generalni direktor Ustanove)

8. Izjašnjenje na prigovor uposlenice Emine Fazlović

(Izvjestilac: prof.dr Mehmed Kulić, V.D. generalni direktor Ustanove)

9. Usvajanje Odluke o pokretanju procedure redovnog godišnjeg popisa

(Izvjestilac: Zlatko Viteškić, sekretar Upravnog odbora)

10. Razno

Predložen je novi dnevni red i to kako slijedi:

Ad.1. Usvajanje zapisnika sa prve redovne sjednice Upravnog odbora JU Dom zdravlja Kantona Sarajevo održane dana 02.10.2019 godine.

Zamjenik Predsjednika Upravnog odbora je otvorio raspravu te zatražio od sekretara Upravnog odbora da se u dijelu zapisnika gdje se spominje formiranje radnog tijela za usklađivanje i izmjenu akata Ustanove, osim statuta pobroje i drugi akti jer je tako rečeno na sjednici, te da se u zapisniku konstatuje da je na prošloj sjednici dao projekat da se tonski zapisi sa sjednica dostavljaju svim članovima Upravnog odbora. Nije bilo više diskusije po navedenoj tački dnevnog reda, te je zapisnik uz navedene primjedbe jednoglasno usvojen.

Ad.2. 2. Usvajanje Izmjena i dopuna finansijskog plana za 2019 godinu.

(Izvjestilac: Adnan Šehić, Šef Ekonomsko finansijske službe)

Zamjenik predsjednik Upravnog odbora je konstatovao da su Upravnom odboru na sjednici dostavljeni Zaključci Nadzornog odbora, a koji se tiču tačaka 2. I 3. Današnjeg dnevnog reda sjednice Upravnog odbora.

Zamjenik predsjednika dao je riječ Adnanu Šehiću Izvjestiocu po navedenoj tački dnevnog reda. Imenovani je rekao da je podloga za Izmjenu i dopunu finansijskog plana bila Izmjena i dopuna finansijskog plan ZZO KS. Rekao je da je najveća izmjena u dijelu specijalizacija koje su sada finansirane na način da će isto trajati u cijeloj dužini trajanja specijalizacije, a ne kao do sada kroz stavku edukacije. Druga najveća izmjena je uvećanje materijalnih troškova za 360.000 KM, te da je izmjenama i dopunama vraćeno finasiranje LIS a u iznosu od 68.000 KM od strane ZZO KS. Nakon održane kraće diskusije, a i cijeneći činjenicu da je Nadzorni odbor JU Dom zdravlja Kantona Sarajevo dao pozitivno mišljenje, Upravni odbor je jednoglasno usvojio predloženu Izmjenu i dopunu finansijskog plana za 2019 godinu.

Ad.3. Usvajanje Izvještaja o finansijskom poslovanju JU Dom zdravlja Kantona Sarajevo za period januar – juni 2019 godine

Zamjenik predsjednika dao je riječ Adnanu Šehiću Izvjestiocu po navedenoj tački dnevnog reda. Adnan Šehić je rekao da je u prvih šest mjeseci ostvarena dobit u Ustanovi u iznosu od 577.185,00 KM, ovolika dobit je rezultat što je u prvih šest mjeseci za obračun plaća bilo 129 dana, a da će u drugih šest mjeseci biti 132 dana, a jedan dan plaća za sve uposlenike iznosi cca 210.000,00 KM. Remzija Šetić je pitao zašto su manji prihodi od sistematskih pregleda u odnosu za isti period prošle godine. Adnan Šehić je rekao da je to uzrokovano nedostatkom kadra jer ustanova jednostavno ne može da obezbijedi sav kadar u lancu sistematskog pregleda te je prisiljena da ne preuzima poslove koje ne može uraditi. Adnan Šehić je rekao da su prihodi od stomatologije manji, ali da su i rashodi manji zbog problema sa dobavljanjem materijala. Nakon kraće diskusije Izvještaj o finansijskom poslovanju za period januar juni 2019 je jednoglasno usvojen.

Ad.4. Razmatranje stanja u stomatološkoj službi primarnog i specijalističko – konsultativnog nivoa.

Zamjenik predsjednika dao je riječ Bassamu Koudeimatiju Izvjestiocu po navedenoj tački dnevnog reda. Bassam Koudeiamti je rekao da su najveći problemi u stomatološkoj službi nedostatak materijala i loša organizacija i raspored uposlenika. Zamjenik predsjednika je tražio ukratko da se kaže da li je zadovoljavajuće stanje u stomatološkoj službi, kakva je organizacija kadra, pružaju li se sve usluge, kakvo je stanje stomatoloških usluga, da li ima broj i presjek stanja pruženih usluga i imate li prijedloga za unaprijeđenje stomatološke zaštite, te da se izvjestioc drži rasprave. Bassam Koudeimati je rekao da je pružanje usluga loše jer nema materijala, zbog nepoštivanja ugovora od strane dobavljača Krajinagrupa ad Banja Luka. Posebno je naglasio da je raspored kadra loš, a da je poseban problem nedostatak stomatoloških sestara. Stanje stomatoloških stolica je isto tako loše, te da ima prostora za poboljšanje, posebno je istakao problem servisiranja jer Ustanova ima samo tri servisera od kojih je samo jedan stručno osposobljen za ozbiljnije servisiranje opreme. Remzija Šetić je rekao da se mora voditi računa o pruženim uslugama, te se o istom voditi ozbiljna evidencija. Prof.dr Mehmed Kulić je rekao da ima procjenu od 995,00 KM potrebnih na godišnjem nivou

da bi svaki stomatolog mogao raditi i imati dovoljno materijala. Bassam Koudeimati je još rekao da ima određenih problema sa trebovanjem materijala, kao i nepotrebna nabavka opreme za ugradnju implantata u OJ DZ Ilidža. Nakon završene diskusije Zamjenik predsjednika Upravnog odbora je konstatovao da je informacija o stanju u stomatološkoj službi prihvaćena, te je predložio da se formira tim koji će pregledati stomatološku opremu i dostaviti detaljan izvještaj Upravnom odboru u roku od tri sedmice, isto tako je potrebno da se dostavi u istom roku presjek kompletnog materijala i kadra u stomatološkim službama JU Dom zdravlja Kantona Sarajevo.

Ad.5. Razmatranje stanja informatizacije u JU Dom zdravlja Kantona Sarajevo

Zamjenik predsjednika dao je riječ Saši Srećkoviću Izvjestiocu po navedenoj tački dnevnog reda koji je ukratko rekao koliko opreme posjeduje JU Dom zdravlja Kantona Sarajevo, te je po službama analizirao stanje informatizacije. Rekao je da stomatološka služba nije završila proces informatizacije zbog nedostatka opreme. Laboratorijska služba nije centralizovana, gdje napomenuo da samo četiri laboratorije su uvezane u sistem LIS – a, gdje pri tome svaka koristi svoju bazu, kao prioritet je naveo uvezivanje i centralizovanje laboratorijskih službi. Ist tako je rekao da je problem stanja opreme servera jer za određeni broj nema više rezervnih dijelova. Rekao je da je radiološka služba u potpunosti digitalizovana. Porodična medicina je informatizovana u potpunosti, osim područne ambulante Gajevi, gdje nema dostupnog interneta. Posebno je naglasio da se postojeća oprema mora održavati kako bi joj se produžio vijek trajanja. Rekao je da informatička služba nema lagerovane opreme. Alen Pilav je predložio da se podaci prebace na servere ZZO KS koji ima spremne servere i opremu, za šta je izvjestioc rekao da je to i obaveza Zavoda, te da u tome smjeru treba ići, još je pitao koliko je potrebno računara da se uveže i centralizuje stomatološka služba, na šta je izvjestioc rekao da je planirano 120 računara. Alen Pilav je još rekao da treba učiniti sve, a posebno u saradnji sa Ministarstvom zdravlja da se obezbijedi što hitnije oprema koja bi omogućila centralizaciju sistema stomatoloških službi. Nakon održane kraće diskusije informacije o stanju informatizacije u JU Dom zdravlja Kantona Sarajevo je jednoglasno prihvaćena.

Ad.6 Izjašnjenje na Prigovor u vezi sa provođenjem konkursne procedure po javnom oglasu objavljenom 01.07.2019 godine (Sanela Lihovac, Arman Ismo, Sabina Mahmutović, Ajdin Šišić, Melisa Smajić, Haris Selimbegović, Elma Škaljić)

Predsjednik Upravnog odbora je dao riječ Viteškić Zlatku sekretaru Upravnog odbora kojie je izvjestio prisutne da je konkursna procedura po konkursu raspisanom 01.07.2019 godine dovedena do kraja te da je većina pozicija u žalbenom roku. Pristigle žalbe rješava Upravni odbor kao drugostepeni organ odlučivanja, još je rekao da je kompletna konkursna procedura provedena pod nadzorom supervizora Belme Adilović imenovane od strane antikorupcionog tima Vlade Kantona Sarajevo koja nije imala nijednu primjedbu na provođenje konkursne procedure. Posebno je naglasio da je bilo nekoliko inspeksijskih nadzora, od kojih su negativno po Ustanovu riješeni samo oni koji se tiču pozicije 8 javnog oglasa diplomirana medicinska sestra. Još je rekao da danas delegirane žalbe nisu žalbe na povredu postupka što

je najvažnije za uspješnost konkursne procedure. Nije bilo značajne diskusije po navedenoj tački dnevnog reda te su žalbe kako slijedi:

- Sanela Lihovac,
- Arman Ismo,
- Sabina Mahmutović,
- Ajdin Šišić,
- Melisa Smajić,
- Haris Selimbegović,
- Elma Škaljić
- Enisa Glušac

kao nesnovane, a u skladu sa dostavljenim Rješenjima u radnom materijalu

Ad.7. Izjašnjenje na Prigovor uposlenice Berine Hadžiabdić

Nakon održane kraće diskusije Upravni odbor je potpunosti prihvatio nalaz Komisije za Prigovore pacijenata, te procjenio da je prigovor uposlenice dr Berine Hadžiabdić neosnovan. Odluka je donesena jednoglasno.

Ad.8. Izjašnjenje na prigovor uposlenice Emine Fazlović

Nakon održane kraće diskusije Upravni odbor je potpunosti prihvatio nalaz Komisije za Prigovore pacijenata, te procjenio da je prigovor uposlenice Emine Fazlović neosnovan. Odluka je donesena jednoglasno.

Ad.9. Usvajanje Odluke o pokretanju procedure redovnog godišnjeg popisa.

Izvjestilac po navedenoj tački dnevnog reda je rekao da se radi o redovnoj proceduri vršenja godišnjeg popisa stanja obaveza i materijala te da nema dodatnih pojašnjenja. Upravni odbor je jednoglasno usvojio Odluku o pokretanju procedure redovnog godišnjeg popisa.

Razno

Prof.dr Mehmed Kulić je rekao da u ovoj godini moramo raspisati javni oglas za dodjelu 37 specijalizacija kako bi mogli povući sredstva namijenjena za te potrebe od strane ZZO KS. Nije bilo značajnije diskusije. Upravni odbor je jednoglasno donio Zaključak kojim se odobrava generalnom direktoru pokretanje procedure dodjele specijalizacija za 2019 godinu.

Alen Pilav je još predložio da na sljedećoj sjednici bude analiza stanja laboratorijske službe i porodične medicine, što je Upravni odbor jednoglasno prihvatio.

Naredna sjednica je zakazana za srijedu 09.10.2019 godine sa početkom u 15.00 sati

Treća redovna sjednica je završena u 17 sati i 10 minuta.

SEKRETAR UPRAVNOG ODBORA

Zlatko Viteškić, dipl.polit.

PREDSJEDNIK UPRAVNOG ODBORA

*Dr.sci. Abel Baltić,
specijalista interne medicine*
